



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm LXXXI. Ad pag. CLXVII.

urn:nbn:de:hbz:466:1-12929

Ad pag. CLXVII.

IN Honorii & Theodosii isthac constitutione etiam Philosophie præceptoribus prisca à Cæsaribus indulta privilegia esse confirmata, meretur annotari; quandoquidem jam priusdem Philosophis minus faverant Cæsares, seculo etiam tertio Christiano: qua de re nonnulla jam monuimus Supplemento quinquagesimo sexto. Haud fuerit fortassis absque pretio operæ nonnulla heic addere Ulpiane, excerpta ex I. Præses ff. de Extraordinariis cognitionibus. Præses provinciæ de mercedibus jus dicere solet: sed præceptoribus tantum studiorum liberalium. Liberalia autem studia accipimus, quæ Græci ἐλεγούσαι appellant. Rethores continebantur, Grammatici, Geometræ. Medicorum quoque eadem causa est, nisi quod justior: cum hic salutis hominum illi studiorum curam agant, & ideo his quoque extra ordinem jus dici debet. &c. An & Philosophi Professorum numero sint? Et non putem; non quia non religiosa res est, sed quia hoc primùm profiteri eos oportet, mercenariam operam spernere. Proinde Juris quidem civilis Professoribus jus dicent. Est quidem res sanctissima civilis sapientia, sed quæ pretio nummario non fit aestimanda; nec de honestanda: dum in judicio honor petitur, qui in ingressu sacramenti offerri debuit: quedam enim tametsi honeste accipiuntur in honestè tamen petuntur. Hæc Ulpianus: nisi fallor, & Philosophi & Legum Professoribus haud parum iniqua. Quasi scilicet sanctitas doctrinæ prohibeat, honorarium aut laborum aliquam mercedulam petere. Quanto rectius Apostolus, illi qui servit altari vitæ subsidium ex altari deberi, statuit! Benè verò est, quod nemo non hodie illa Ulpiane saltim contrariis moribus improbet: tantum merito mireris, Tribonianum illa Corpori Legum inseruisse cum tamen ipse pecuniæ fuerit cupidissimus, imò hoc vitio pene infamis.

SVP-